



四庫全書考證

漢書門			
六	七	三	四
冊	架	函	號

內閣文庫			
元	二		漢
函	四		
一	六	五	書
四	〇	〇	
架	冊	號	類

內閣文庫			
番號	漢	2450	
冊數	60( 4)		
函號	297	93	





欽定四庫全書考證

卷五 經部

書集傳纂疏

書義斷法

尚書纂傳

書傳矜式

書傳會選

尚書疏衍

日講書經解義

武英殿聚珍版

欽定書經傳說彙纂

尚書稗疏

尚書古疏文證

禹貢錐指

尚書地理今釋

尚書考異

禹貢會箋

尚書大傳

臣祝 螯恭校

書集傳纂疏 元陳樸撰

卷一

堯典致敬日永星火以正仲夏纂疏晷景長一丈三尺

一寸四分刊本四訛三據漢書改

方命圯族集傳楚辭言鯀婞直刊本婞訛悻據蔡傳及

楚辭改

舜典集傳今文合于堯典而無篇首二十八字刊本而

訛篇據蔡傳改

納于大麓纂疏使主祭而神享刊本祭訛事今改

流宥五刑集傳則五刑有流宥而無金贖刊本刑訛行

據蔡傳改

聲依永律和聲纂疏今人却先安排下腔調了然後做  
言語去合腔子刊本了訛子據語錄改

益稷日月星辰山龍華蟲集傳蓋亦增損有虞之制而  
為之耳刊本亦訛欲據蔡傳改

予違汝弼集傳爾當弼正其失刊本弼訛明據蔡傳改  
笙鏞以間集傳大射禮刊本大上行其字據蔡傳刪

勅天之命纂疏盡以中庸維天之命解之刊本維訛雖

今改

卷二

禹貢冀州纂疏燕薊幽涿朔莫等州刊本莫訛莫據宋

史地理志改

至于衡漳集傳漳水二一出上黨沾縣大叟谷刊本沾  
訛治叟訛鼃並據漢書地理志及說文改

濟河惟兗州纂疏定逐州之疆界刊本逐訛遂據尚書  
全解改

九河既道集傳歐陽忞輿地記刊本忞訛志據書錄解

題改 又碣石通趾頂皆石不應仆沒刊本仆訛作

據蔡傳改

雷夏既澤集傳因其神名之曰雷夏也刊本名訛明據

蔡傳改

厥土黑墳集傳如左氏云祭之地地墳是也刊本脫一

地字據蔡傳及左傳增

彭蠡既豬集傳在豫章郡彭澤縣東刊本澤訛蠡據漢

書地理志改

三江既入集傳即有中北二江刊本中訛東據蔡傳改

荆州厥田惟下中集傳故田比揚只加一等刊本一訛

二據蔡傳改

滎波既豬集傳有狼蕩渠首受濟者是也刊本脫受字

據漢書地理志增

厥貢璆鐵銀鏤纂疏朱提縣有朱提山出銀每八兩為

一流直加他銀幾十之六刊本闕直字 又朱提音

銖時刊本銖訛誰並據禹貢錐指及漢書地理志註

補改

導岍及岐集傳沂水所出禹貢所謂岍山也刊本上沂

字訛岍據蔡傳改

甘誓乃召六卿集傳案周禮鄉大夫刊本鄉訛卿據周禮改

卷三

伊訓纂疏又好看似說命刊本看訛著據語錄改

甲上王祖桐宮居憂集傳伊尹既使其密邇先王陵墓刊本既訛欲據蔡傳改

具乃貝玉集傳故盤庚以具貝玉為戒刊本闕為字戒訛民並據蔡傳補改

說命下致對揚天子休命案註疏本休上有之字此從石經

卷四上

牧誓昏棄厥肆祀弗咎集傳廢宗廟之禮刊本禮訛理據蔡傳改

武成師逾孟津刊本逾作渡據石經及監本改

卷四下

金縢公曰體王其罔害纂疏卜人占坼刊本坼訛折據周禮改 又卜看兆體刊本闕卜字據彙纂增

大誥予不敢閉于天降威用刊本予訛于據注疏本改  
微子之命慎乃服命集傳慮有僭擬之失刊本擬訛疑

據蔡傳改

梓材已若茲監集傳文義之本不類也刊本義訛意據

蔡傳改

卷五

召誥王朝步自周集傳文王廟在焉刊本王訛武據蔡

傳及註疏改

命庶殷侯甸男邦伯刊本男訛南今改

茲殷多先哲王在天刊本殷訛因今改

王不敢後刊本王訛丕今改

洛誥惇大成裕集傳惇厚博大以裕俗刊本惇下行大

字據蔡傳刪

多士時惟天命無違集傳謂有他罰刊本他下行日字

據蔡傳刪

今爾又曰刊本又訛其據石經及註疏本改

自時厥後刊本自上衍日字據註疏本刪

徽柔懿恭纂疏恭而不懿刊本恭訛徽據語錄改

君頤天惟純佑命集傳承上章六臣輔君格天致治刊  
本致治二字互倒據蔡傳改

多方我惟大降爾四國民命集傳舉其宥過之恩刊本  
宥上行有字據蔡傳刪

立政迪知忱恂于九德之行集傳卽臯陶與禹言九德  
之事刊本卽訛猶據蔡傳改

宅乃事宅乃牧宅乃準纂疏任三宅者如此之專刊本  
專訛音今改

我其立政立事纂疏我者我其君刊本脫我者二字又

闕君字並增補

卷六

周官六卿分職集傳冢宰之與五卿刊本五訛六據蔡  
傳改

業廣惟勤纂疏學問思辨皆學業刊本問思二字互倒  
今改

恭儉惟德纂疏實有得于恭儉則爲德刊本得訛德今  
改

君陳纂疏故王命君陳刊本陳訛臣今改



簡厥修纂疏選其自修而純爲良善者進用之刊本選  
訛遷今改

惟民生厚集傳反薄歸厚刊本薄訛而據蔡傳改  
顧命西夾南嚮集傳西廂夾室之前刊本前訛室 又

南嚮之席坐之正也刊本坐訛席並據蔡傳改

曰皇后憑玉几集傳此太史口陳者也刊本口訛所據  
蔡傳改

同命集傳陪僕誓御之臣刊本誓訛執據蔡傳改

呂刑察辭于差集傳辭非情實終必有差刊本終訛中

據蔡傳改

官伯族姓纂疏同族于禰廟刊本族訛姓據左傳改

書義斷法 元陳悅道撰

卷三

乃審厥象注必期於心跡之相親原本親訛觀今改

卷四

皇建其有極注以極之集福者言之則為上錫下原本

上訛下今改

卷五

自成湯至于帝乙注德之流行與天同功原本同訛相

今改

尚書纂傳 元王天與撰

卷四

禹貢灘沮會同節水經謂坂木出陰溝東至蒙為狙獾  
刊本狙獾訛沮灘據蔡傳改

沱潛既道節通豈山下西南潛出刊本豈訛作四正據  
蔡傳改

涇屬渭汭節涇水出安定涇陽縣西岍頭山刊本岍訛  
并據孔疏改

終南惇物節扶風武功縣有太一山刊本功訛成據蔡

傳及孔疏改

卷十五中

說命中惟甲冑起戎節而鑿鎧之字皆從金刊本鑿訛  
攷據孔疏改

卷十五下

說命下佑我烈祖格于皇天節功至於天無能及者刊  
本於訛大據孔傳改

卷二十一

武城丁未祀于周廟節諸侯與百官受政命於周刊本  
政訛改據孔傳改

卷二十二

洪範從革作辛節金之在火別有腥氣刊本腥訛醒據  
孔疏改

卷二十四

金滕凡大木所偃節築有其根禾木無虧刊本禾木訛  
桑果據孔傳改

卷二十六

微子之命功加于時節言湯立功加於當時刊木於訛

流據孔傳改

卷二十八

召誥惟太保先周公相宅節召公於周公前相視洛居  
周公後往刊本後訛復據孔傳改

卷三十二

君奭我受命無疆惟休節震撼擊撞欲其鎮定刊本擊  
撞訛膠鞮據蔡傳改

書義矜式 元三 充叔撰

卷三

惟學遜志節惟守之一而德自化原本德訛化據下文  
改

卷四

天乃錫禹洪範九疇節前一後三左七右四前七後六  
右八後左二前九案洛書之數戴九履一左三右七  
二四爲肩六八爲足與此異

二山... 八... 地... 此... 山... 八... 地... 此... 山... 八... 地... 此...

書傳會選

明劉三吾等撰

卷一

堯典以閏月定四時注十二失閏子皆入丑刊本丑訛  
壬據蔡沈集傳改

卷二

禹貢濰淄其道注濰淄二水名濰水地志云出瑯琊郡  
箕縣今密州莒縣東北濰山也北至都昌入海今濰  
州昌邑也刊本脫濰水至昌邑也三十三字據蔡傳  
增 又瑤琨篠簜注篠之材中於矢之筈音釋筈本

金定四庫全書考證 卷五  
三  
作籛古旱反與桿同刊本桿訛程據正韻改 又雲  
土夢作义注楚子濟江入于雲中刊本子濟訛于齊  
據左傳改 又澧水攸同注澧水南注之刊本南訛  
東據孔傳及蔡傳改 又至於豬野注今涼州姑臧  
縣是也刊本臧訛城據蔡傳改

卷三

盤庚中齊乃位度乃口注整齊汝位法度汝言刊本上  
汝字與法字互訛據蔡傳改

高中彤日乃訓于王曰注獻公作畦時祀白帝刊本畦

訛時據史記改

卷五

召誥王朝步自周注去豐二十五里文王廟在焉刊本  
王訛武據孔疏及蔡傳改

洛誥朕復子明辟注未嘗一日不居君位何復之有哉  
刊本復訛後據蔡傳改

卷六

呂刑典獄非訖于威注言不爲威屈刊本爲訛惟據蔡  
傳改

尚書疏衍 明陳第撰

卷三

各設中于乃心注何至諄諄一千二百八十有餘言而後止乎原本一訛十今改

卷四

外事汝陳時臬事注殷彝卽殷罰之有倫原本殷彝訛彝倫據經改



日講書經解義

卷六

曰雨曰霽解義內卦本卦得之于先刊本本訛遇案此  
與下文外卦之卦成之于後二句為對今改

卷七

王出郊解義大木所偃之處刊本處訛禾今改

王州牧撰對大小河圖之圖詳本國諸水公也

卷十

欽定四庫全書

欽定四庫全書

欽定書經傳說彙纂

卷首上

虞書日永日短之圖案圖中二十四氣日出入時刻惟  
 立春雨水清明穀雨立夏處暑白露霜降立冬九候  
 與今時憲書相符其餘並有遲速不同緣古法分一  
 日為百刻今為九十六刻又古時以平氣制節每節  
 相距均十五日有零今以定氣置節每節相距遠近  
 悉與日永日短相準立法尤密也此案堯典繪圖姑  
 仍其舊

金匱要略卷之五  
二  
簫圖說長尺二寸刊本二訛三據爾雅注改

卷一

汝羲暨和集說一歲三百六十六日刊本脫下六字據

正義增

卷二

歲二月東巡守集字注以吉禮事邦國之鬼神元刊本  
事訛祀據正義改

覃懷底績集傳漳水二二出上黨沾縣大壘谷刊本壘  
訛鼃據水經注改

萊夷作牧集傳注今東萊黃縣是刊本脫東字據左傳

注增

沱潛既道集傳注江沱枝分東入大江刊本沱訛汜據

水經注改

伊洛瀍澗集傳出河南郡穀城縣潛亭北刊本潛訛替

據水經注改

卷七

凡我造邦集傳注罔淫于樂刊本樂訛田據經改

卷十一

七稽疑集說以四十九著分掛撰刊本掛訛卦今改

卷二十

太保率西方諸侯集說若使東伯任重亦當先言東方

刊本伯訛北今改

尚書稗疏 岳州王夫之撰

卷四

酒誥百姓里居疏百姓總以目世祿之家原本姓訛世

據孔傳改

蔡仲之命蔡疏仲徙封於淮汝之間原本淮汝訛江淮

據孔傳改

尚書古文疏證

國朝閣若璩撰

卷一

古文武城篇乃以庶國祀馘于周廟原本國字訛在周字上據周書及三統歷改

卷二

漢傳論語有三家條不如周家之多仁人原本多訛少今改

卷四

周禮真聖人之書案語大抵晉魏間此人學亦儘博原

本儘訛僅今改

卷五下

歌詩之見於經者案語下逮春秋以迄漢魏原本逮訛  
建 又詩章悽婉轉得江山之助原本轉訛傳今並  
改

更例以今文之例如武王命康叔為衛侯案語兩無正  
小旻小宛皆刺幽王之詩原本幽訛厲據鄭箋改

卷六下

詩與書相表裏案語河自定王五年徙流自漢迄唐不  
詳也原本下自字訛是今改

州縣之設有時而更江山之秀千古不易案語左合漢  
為北江原本北江二字互倒今改

卷七

百篇序謂之小序條成王東伐淮夷原本王東二字互  
倒今改

卷八

或問孔安國之從祀案語莫善於萬歷間顧高二公原  
本公訛心今改

禹貢錐指

德清胡渭撰

三江異派圖澉浦刊本澉訛敢據水經注改

禹貢圖總識然後遠近之實定于分率刊本脫後字今

增

卷二

恒衛既從辨證其川序池嘔夷注嘔烏侯反刊本烏訛

馬今改

卷三

九河既道集解河水播為九道刊本播訛合今改

是降丘宅土集解此州寡於山而夾兩川大流之間刊  
本兩川二字互倒今改

卷四

海物惟錯集解蠃蜃贏蚶之類刊本蠃訛排贏蚶訛羅  
池據周禮改

卷六

三江既入辨證庾仲初注名闡東晉人刊本訛作名杲  
之南齊人案晉書庾闡字仲初作揚都賦南齊書庾  
杲之字景行注誤以兩人為一人今據改

齒革羽毛惟木集解犀甲七屬刊本甲訛角據周禮考

工記改

卷八

伊洛瀍澗辨證伊水出南陽縣西蔓渠山注在今河南  
府盧氏縣刊本河南訛南陽據地理志改

卷九

華陽黑水惟梁州辨證如盧弓盧矢盧橘之類皆訓黑  
刊本訓改馴今改

厥貢璆鐵銀鏤辨證黃金為之盪刊本盪訛盪據爾雅



改

卷十

三危既宅集解允姓陰戎之祖刊本脫陰戎二字據左傳杜注增

析支渠搜辨證自析支以西濱於河首左右居也刊本左訛在據水經注改

卷十一上

熊耳外方桐栢集解嵩高山在潁川密高縣刊本川訛州據地理志改

卷十三上

導河積石辨證白土城南注在南津西六十里刊本在訛左據水經注改

卷十三中之上

東至于底柱辨證合有一十九灘注晉泰始二年正月刊本正訛五據水經注改 又二十年幸河北觀底柱令魏徵勒銘案唐書卽真觀十一年事又案魏徵卒於十七年豈得於二十年作銘此誤

卷十四下

又東至于澧辨證澧陵是小山西水而得名者案書纂言引易氏說小山下有澤字

卷十七

又東過漆沮辨證又東糧餘水注之刊本脫糧字據水

經注增

導洛自熊耳辨證東與丹水合注此別是一丹水非出冢領山東至析入均者也刊本均訛鈞據水經注改

卷十八

九川滌源辨證別於他水入於大水及海者刊本別於

訛引入訛及並據管子度地篇改

卷十九

三百里蠻辨證衛服五歲壹見刊本衛訛侯據周禮改

尚書地理今釋 大學士蔣廷錫撰

禹貢雲夢條又夏水東逕監利縣原本監訛藍今改  
湯誥亳條今梁國穀熟縣注後漢改山陽郡亳縣爲穀  
熟案後漢郡國志亳屬梁國舊屬山陽而亳與穀熟  
並載於梁國郡未云改亳爲穀熟也附識

並輝似采園勝未云如亭為據燕此州端

燕案外燕勝園志亭園采園舊園山則而亭與燕  
長帝亭於今采園據燕勝園志外燕如山則亭與燕  
之實與燕於今夏水東與燕勝園志外燕如山則亭與燕

尚書考異 明梅鷟撰

尚書考異 明梅鷟撰

卷二

帝曰來禹節允信也言信成然後有成功原本功字訛  
在也字下據左傳杜注改

帝曰格汝禹節格汝二字見堯典格汝舜格爾眾庶案  
格爾眾庶商書湯誓之文此誤引 又老者不堪其  
勞而休也原本而休訛事體據荀子正論篇改

地平天成節舜舉八愷原本舜訛堯據正傳改

卷四

今商王受弗敬上天節殺王子比干囚箕子原本脫囚  
字據史記增

爾眾士其尚迪果毅節君子曰戎昭果毅以聽之之謂  
禮原本聽訛德又脫一之字並據左傳改增

今商王受無道節侮蔑神祇不祀原本祀訛記據史記  
改

釋箕子囚節命宗祝享祠于軍原本祝訛祀據史記改  
以公滅私節抱公絕私則尹翁歸原本抱訛徇據漢書  
改

推賢讓能節荀子仲尼篇原本仲尼訛作非十二子四  
字 又莫若好同之原本好同二字互倒 又失寵  
則必無罪原本寵訛究並據荀子改

惟予一人無良節賈子曰選天下之端士原本下訛子  
據漢書改

卷五

若顛木之有由枿節顛木而肄生曰枿原本肄訛四據  
注疏改

明大命于妹邦節俗儒以為成王骨節始成原本脫節

字據陸德明音義增

禹貢會箋

翰林院檢討徐文靖撰

山水總目

序下雋前志屬長沙國刊本國訛郡據漢書改

碣石山注右北平驪成縣刊本成訛城據漢書改

圖目

冀州圖考衛水出靈壽縣刊本壽訛寶據漢書改

徐州圖考漢武帝置十三州還以其地為徐州刊本還

訛遷據通考改

豫州圖考五代並都汴案通考五代梁晉漢周俱都汴

後唐則都洛陽以汴州為宣武軍罷東都此云並都  
汴誤

九江圖考利水從東陵西南注之刊本利訛刊 又水  
廬江郡之東陵刊本水上衍即字並據聚珍本水經  
注改刪

九州同異考郡國既建因州而剖刊本剖訛部據南齊  
書改

卷一

至於衡漳注鉅鹿屬縣也刊本鹿訛陸今改

卷三

滌淄其道注淄水入馬車瀆亂流東北逕琅槐故城南  
刊本槐訛瑰據水經注改

萊夷作牧注辭以無山與之萊柞刊本訛作與之無山  
及萊柞據左傳改

卷五

三江既入注庾仲初吳都賦刊本庾訛唐今改

厥篚織貝注闍婆國獻吉貝織雜色等布刊本闍訛闍  
據宋書改

卷六

九江孔殷注流九派於尋陽刊本流訛疏據文選改

卷七

伊洛瀍澗注禹鑿龍門闢伊闕刊本闢訛闕今改

被孟諸注周禮作望諸刊本諸訛者據周禮改

浮於洛達於河注大河自潼關流入閩鄉達靈寶陝州

澗池刊本澗訛沔據漢志改

卷八

華陽黑水惟梁州注天子至於重鎰氏黑水之阿刊本

訛作至于重鎰氏之黑水據穆天子傳改

沱潛旣道注江沱在蜀郡郫縣西刊本郫訛邦據蔡傳

改 又有水從漢中沔陽縣南流至梓潼刊本脫中

字據爾雅注增

蔡蒙旅平注蒙山在蜀郡青衣縣刊本脫蒙字據蔡傳

增

厥田惟下上注田第七賦第八刊本脫七字據蔡傳增

厥貢璆鐵銀鏤砮磬注句町縣山出銀刊本句訛監據

漢志改



卷九

漆沮既從注今岐山普潤縣之地刊本潤訛閭據地理志改

卷十

熊耳外方桐柏注焦澗水西出鹿鵠山東流逕孤山南其山介立豐上單秀孤峙刊本髀訛膊脫逕字峙訛特又水出陸渾西山即陸渾都也刊本都訛山者二字並據水經注增改

過九江注豫章志刊本章訛意今改

卷十一

道弱水至於合黎注漢書作合黎案黎漢書地志不從藜所引誤

導河積石注貞觀九年詔行軍大總管侯君集積石道任城王道宗等率兵擊之伏允謀入磧疲唐兵案通鑑貞觀八年以李靖為西海道行軍總管侯君集為積石道行軍總管任城王道宗為鄯善道行軍總管率眾擊吐谷渾又伏允謀入磧事在九年此所引並誤又至河州枹罕縣南刊本枹訛包據通考改

南至于華陰注又五十里至硤石縣有底柱山刊本硤  
訛陝據通考改

東為北江刊本脫江字今增

溢為滎注濟水東又逕滎澤北刊本逕滎訛滎陽據水

經注改

二百里男邦注侯甸男衛邦伯刊本男衛二字訛在侯  
甸上據尚書改

尚書大傳

松陽縣教諭孫之驥輯

卷一

子張曰條堯舜之聖一人不刑而天下治刊本脫不字  
據路史注增

卷三

天子堂廣九雉條東房西房北堂各三雉刊本下房訛  
方據禮記正義改

古者諸侯之於天子條再不適謂之傲刊本傲訛教今  
改

欽定四庫全書考證

武英殿聚珍版

卷六 經部

詩序

毛詩注疏

陸氏詩疏廣要

毛詩集解

詩補傳

詩總聞

慈湖詩傳

金定四庫全書詩經卷之六

毛詩講義

臣吳廷選恭校

詩序 宋朱子辨說

卷上

大序吟詠性情以風其上原本性情二字互倒據傳說彙纂改

小序北門刺仕不得志也案仕傳說彙纂作士

卷之六

二

毛詩註疏

漢鄭康成箋

唐陸德明音義

孔穎達

卷首

邶鄘衛譜北踰衡漳疏漳水在上黨沾縣大陂谷東北

刊本沾訛沾訛更黽並據許氏說文及水經注改

鄭譜今河南新鄭是也疏斬其蓬蒿藜藿而共處之刊

本其訛之藿訛翟並據左傳改

齊譜齊者古少皞之世爽鳩氏之墟疏昔爽鳩氏始居

此地季荊因之刊本荊訛蒯據左傳改

秦譜其封域東至池山疏池謂靡池境界廣被之意刊

金定四庫全書考訂 卷一  
本上迪字訛地今改

小大雅譜傳曰文王基之疏故中侯曰昌受命刊本中  
侯訛申侯今改

周頌譜頌之言容疏祖父太平刊本太上衍未字今刪  
魯頌譜十九世至僖公疏立子開爲閔公二年卒刊本  
二年訛立其據史記改

卷一

關雎疏摯虞流別論云刊本別訛外今改  
言告言歸疏隱二年公羊傳文刊本二年訛正義據宋

本改

翹翹錯薪疏釋草云購蒹葭刊本蒹訛蒿據爾雅改

卷二

維鵠有巢箋車皆百乘音義乘繩證反刊本證訛乘今  
改

草蟲疏御衽于輿刊本衽下衍席字據士昏禮刪

有齊季女箋季女則非禮女也刊本脫下文字 又祭

禮主婦設羹刊本禮訛事並據宋本增改 又疏孫

毓以王爲長謬矣刊本王訛主今改

江有汜傳決復入爲汜音義復扶富反刊據富訛福據  
釋文改

卷三

報我不述箋云不循不循禮也刊本上循字訛述據宋  
本改

不我以歸疏不與我以告歸期刊本與訛於據本注改  
匏有苦菜疏匏不材於人供濟而已刊本匏訛葉據國  
語改 又濟盈不濡軌疏謂軌是軌法也刊本軌並  
訛軌據周禮疏改

卷七

叔于田疏乃作亂之賊謂之信美好而又仁者刊本脫  
謂字據毛本補

青青子衿音義學子以青爲衣領刊本子訛生據監本  
改

縞衣綦巾疏故言彼服縞衣之男子刊本彼訛被據二  
章疏改 又青黑曰綦刊本日訛白據尚書注改

卷八

東方明矣疏其繪本名曰綃刊本繪訛繪據儀禮注改

又追師掌王后之首服刊本師訛思據周禮改  
不能辰夜疏凡國事爲期刊本事訛家據周禮改

南山崔崔疏何爲又使窮極邪意而至乎齊止刊本乎  
齊止訛齊乎上據注改

敝筭在梁疏毛以鰈爲大魚刊本鰈訛緄經據及傳箋  
改

載驅疏與上互文相通也刊本互訛古今改

終日射侯疏有鵠者無正刊本脫有鵠二字據周禮增  
齊國十一篇三十四章刊本三訛四今改

行道遲遲箋違徘徊也刊本脫違字據釋文及疏增  
在前上處疏以在前上處文無萬舞刊本脫萬字今增  
愛而不見傳言志往而行止刊本止訛正據宋本改

卷四

汎彼柏舟疏以興婦人在夫家亦是其常處刊本常訛  
堂據毛本改

靈雨旣零疏相較甚異刊本較訛覺異訛矣今並改

卷五

淇奥疏武公以其賂賂王刊本王訛士據史記改



獨寐寤言箋長自誓以不忘君之志刊本志訛惡據疏  
改

報之以瓊瑤傳瓊瑤美石刊本石訛玉據疏及音義改

卷六

彼黍離離疏則二物大時相類刊本大訛天今改

揚之水疏故言周人以別之刊本別訛列今改

中谷有蕓疏今蕓蔚草也葉似萑刊本萑訛萑據爾雅

改

終遠兄弟箋刊本箋訛傳今改

卷九

胡瞻爾庭有縣鶉兮疏鶉鶉其雄鶉牝庫刊本鶉訛鶉

據爾雅改

樂土樂土箋爰日也刊本日訛日今改 又音義貫古

亂反徐音官刊本官訛宮據釋文改 又疏地官小

司徒及鄉大夫職刊本鄉訛卿據周禮改

卷十

素衣朱襮疏知諸侯當服之中衣者朝服祭服之裏衣

也刊本中訛也今改

卷十一

逝者其蓋音義蓋田節反刊本田訛由據釋文改

遊于北園疏乘車之輪崇六尺有六寸刊本寸訛尺據

考工記改

方何為期箋何以了然不來刊本了然二字互倒據疏

改

終南何有音義荊州曰梅揚州曰柑刊本梅柑二字互

訛據疏改

卷十二

子仲之子疏序云男女棄業刊本女訛子據序改

知而不已疏今定本為誰昔刊本今訛合今改

乘我乘駒音義下乘駒刊本駒訛驕今改

卷十四

其弁伊騏音義說文作璫云弁飾往往置玉也刊本置

訛冒據釋文改

卷十五

四月秀萋疏草謂之榮刊本草訛華據爾雅改

亟其乘屋箋十月定星將中刊本十訛七據疏改

曰殺羔羊音義曰音越或人實反刊本人訛入據釋文  
改

是以有袞衣兮箋是是東都也刊本下是字訛以據宋  
本改

卷十六

吉蠲為饔音義饔尺志反刊本尺訛尸據釋文改  
南陔疏磬南北面立樂南陔白華華黍刊本脫立字又  
磬訛鼓樂訛歌並據儀禮增改 又後乃得毛公傳  
記古書義又音然刊本記訛既今改

卷十七

蓼蕭疏州十有二師刊本十有二互倒據尚書改  
六月棲棲疏不讀如跗刊本跗訛幅據左傳及周禮注  
改

侵鎬及方疏故劉向日刊本訛作故知嚮日今改  
田車既好疏間車軌之裏刊本間訛闌軌訛軌並據注  
改 又萊芟除可陳之處刊本萊訛乘據周禮注改  
又東都非正田之時刊本東訛本今改

卷十八

百堵皆作疏何休注公羊刊本注下衍云字今刪  
室家君王箋宣王所生之子刊本所訛將據宋本改

卷十九

皇父鄉士疏小宰中大夫刊本中訛卿今改

成是南箕疏舌雖小寬不足以爲箕刊本舌訛言今改

卷二十一

匪我伊蒿箋反謂之蒿刊本反訛故今改

自昔何爲箋我將樹黍稷焉刊本樹訛得據宋本改

或剝或亨傳或陳于互或齊其肉刊本其訛于並據周

禮改

君婦莫莫疏內羞庶羞則世婦薦之刊本世訛主據宋

本改

南東其畝疏與匠人成間有洫同也刊本成訛并據周

禮改

卷二十一

頰弁疏則此弁爲燕之服刊本弁訛皮今改

先集維霰疏陽之專氣爲鬻陰之專氣爲霰刊本鬻霰

二字互訛據大戴禮改

卷二十二

天步艱難傳裏人有獄而入之幽王刊本獄訛獻據國語改

瓠葉筴飲酒而日嘗者刊本酒訛食今改

卷二十三

文王疏二年伐邗刊本邗訛邾據尚書大傳及史記改  
又尚書運期授刊本授訛援 又坤靈圖云刊本  
坤訛神 又不應此時方取正室刊本正訛王今並  
改

本支百世疏皆得百世相繼刊本世訛澤今改 又注

引文王初載刊本文王初載訛作上天之載據禮記

注改

親迎于渭疏以明天子當親迎也刊本當訛常今改

變伐大商疏大辰晨正而農事起刊本晨訛農據宋本

改

以案徂旅疏以却止徂國之師旅刊本旅訛氏今改

靈臺疏含神霧日刊本霧訛務今改

卷二十四

居然生子疏少溲於豕牢刊本豕訛家據國語改

藝之荏菽傳荏菽戎菽也刊本脫下菽字據釋文補

行葦疏燕代北鄙刊本代訛伐據揚子方言改

醢醢以薦箋薦之禮非菹則醢醢也刊本非訛非據釋

文改 又序賓以賢傳使子路執弓矢出延射日刊

本延訛廷據禮記及毛本改 又疏解四鍤之義言

鍤是參停者也刊本鍤並訛鍤據經文及爾雅周禮

揚子方言改

黃考台背疏則老人於是始來刊本來訛求據箋改

其類維何疏韋昭皆取此箋刊本韋訛孝今改

鳧鷖疏經序倒者刊本倒訛例今改

既燕于宗疏若然大宗伯云刊本然訛無今改

于京斯依箋與羣臣士大夫飲酒以落之刊本落訛樂

據疏改

洞酌疏今呼饗註音修刊本音修二字訛入疏文今改

又非訓饋爲餽刊本餽訛饋據上文改

似先公酋矣疏成康之間刑措不用刊本康訛湯據尚

書改

矢詩不多疏春官太師刊本訛作春秋之師據毛本改  
戎雖小子疏重丘人閉門而詢之刊本詢訛詢據左傳  
改

大宗維翰箋王之同姓世適子也刊本世訛之據疏文

改 又疏若言宗人宰人也刊本若訛君今改

卷二十五

桑柔疏畢公入為司馬是也刊本入訛亦據尚書注及  
毛本改

雲漢疏距宣公之崩七十六年刊本十訛年據史記改

奕奕梁山疏宣王平大亂刊本王訛平據毛本改

率彼淮浦疏故云浦涯也刊本脫涯字據傳補

昔先王受命箋言有如者刊本者訛昔據宋本改

卷二十六

清廟疏明非相者肅雝刊本非訛是據宋本改

維清疏樂記說大武之樂刊本大訛文據下文改

無競維人箋勤行此道刊本勤行訛其於據疏文改

時邁疏禪梁甫者七十二家刊本二訛三據史記改

又不言徧羣神也刊本神訛臣據注改

卷二十七

振鷺疏始封于宋未為殷後也刊本未訛宋今改  
有瞽疏蓋依漢之大予樂而知之刊本大予訛天子據

漢書改

載見疏祝嘏莫敢易其常嘏刊本脫下嘏字據禮記增

卷二十八

絲衣疏其令天下立靈星祠刊本其令二字互倒據漢

書改

於皇時周疏至平原鬲津刊本津訛盤據爾雅疏改

又今見在成平東光鬲界中刊本成訛城據地里志

改

卷二十九

有驪有魚音義毛云二目白曰魚刊本二訛一據爾雅

注改

周公皇祖疏歲成王元年正月朔日也用二特牛禘祭

文武於文王廟刊本也訛於用訛周並據尚書注改

卷三十

以假以享箋假升也刊本升訛大據疏改



立鳥疏又卽以五月禘比月大祭刊本比訛此據春秋傳改

何天之龍疏則此宜爲榮名刊本宜訛豈據箋改有震且業箋畏君之震刊本君訛吾據春秋傳改

陸氏詩疏廣要 吳陸璣撰 明毛晉廣要

卷上之上

釋草采采卷耳條許叔重曰刊本重訛仲今改

于以采蘋條孔子以童謠決之曰蘋實案蘋家語作萍

又詩緝云蘋可茹萍不可茹郭氏以小萍爲大蘋

誤按爾雅云萍萍郭注水中浮萍江東謂之藻又云

其大者蘋郭注詩曰于以采蘋是萍小蘋大郭注分

別甚明而此云郭氏以小萍爲大蘋誤蓋未深考耳

菜竹猗猗條毛詩云綠竹猗猗是也又云植物之中有

物曰竹不剛不柔非草非木或茂沙水或挺巖陸按  
植物以下六句出戴凱之竹譜毛氏不引書目殊欠  
明晰

浸彼苞狼條孟狼尾今人呼為狼茅子刊本孟訛孟據

爾雅改

南山有臺條與內司服所謂素沙同意刊本素訛同據

周禮改

取蕭祭脂條先鄭以為蕭或作菑刊本作訛用菑訛菑  
並據周禮注疏改

卷上之下

釋木不流東蒲條河東聞喜縣東北有董池刊本脫喜  
字據左傳注增

顏如舜華條如日及之在條常雖盡而不悟刊本盡訛  
及悟訛誤並據文選改

以聊之寶條漢李咸欲爭寶后配桓帝壽椒自隨刊本  
桓訛成據後漢書改

條枯濟濟條使求諸故府果得之刊本使訛矢據國語  
改

柞械拔矣條三蒼說械卽柞也刊本三訛王今改

卷下之上

釋鳥弋鼻與雁條鴻雁不來遠人背畔刊本人訛行據

逸周書改

值其鷺羽條大貝鼓鼓在西房刊本房訛傍據尚書改  
翩翩者雛條孟夏之日以熟穀禾刊本孟夏二字互倒

據淮南子改

鶴鳴于九臯條行必依洲嶼止不集林木刊本不訛必

據相鶴經改

鳳凰于飛條鵠笛鷄鷄廣昌鷄明鳳凰屬也刊本脫廣

字據廣雅增

翩彼飛鴉條傳云桑椹甘甜鴟鴞革響案二語出晉張

天錫傳此引目未明

卷下之下

釋獸羔裘豹飾條陶荅子妻云南山有立豹刊本荅訛

谷據烈士傳改

有熊有羆條能熊屬足似鹿刊本能訛然據說文改

釋魚象弭魚服條夏官司弓矢職曰仲冬獻矢服刊本

金定四庫全書考證卷六  
二  
矢訛人據周禮改

成是貝錦條以黃爲質白爲文點刊本爲文二字互倒  
據下文改

有鱸有鮪條周武王伐紂紂使膠鬲禦鮪水上刊本複  
衍武王二字脫一紂字今刪增

釋蟲領如蝻蟻條蟻蟮大者如足大指以背行乃駛于  
脚刊本背訛柳據埤雅改

蟋蟀在堂條易通卦驗曰蟋蟀之蟲隨陰迎陽刊本驗  
訛系今改

螟蛉有子條劉禹錫謹案蜀本注按劉禹錫係唐詩人  
未嘗注本草又案宋人掌禹錫曾著本草注見本草

綱目此作劉誤

韓詩條授泰山栗豐刊本栗豐訛豐吉據漢書改

毛詩條商爲之序以授魯人曾申刊本申訛身據序錄  
改

毛詩集解 宋李樛黃樞撰

卷一

故詩有六義焉李解以齊其民則民德壹刊本壹訛歸厚矣三字據禮記緇衣改

卷二

螽斯章李解如關雎摯鳥而比於后妃刊本摯訛鷺據詩傳改

卷三

采蘋章黃解女子十年不出刊本十下衍五字據禮記

欽定四庫全書

卷六

七

及鄭箋刪

卷四

終風章李解衛定姜衛獻公之嫡母刊本獻訛莊據左傳改

卷五

旄丘章李解不能救陳又不能救蔡物以無親刊本以訛亦據左傳改

卷七

淇澳章李解竹蕭竹也刊本蕭訛篇據爾雅改

卷八

芄蘭章李解藿丸蘭刊本藿訛萑據爾雅改

河廣章李解康子往焉闔門而與之言刊本闔訛側據

國語注改

君子陽陽章黃解晏子之御策駟馬意氣揚揚自得刊

本脫之御二字據史記增

卷九

大車章李解所不請於君焚丹書者有如日刊本丹訛其據左傳改

丘中章李解所謂彼留子嗟者亦得陳風所謂子仲之  
子刊本陳訛谷今改

將仲子章李解不能止其母乃所以害其弟刊本其下  
衍父字據詩序刪

卷十

清人章李解後漢耿恭爲匈奴所圍刊本恭訛公據後  
漢書改

羔裘章李解言以豹皮爲飾也刊本皮訛尾據毛傳改  
有女同車章李解又欲妻雋不疑刊本雋訛鱒據漢書

改

卷十一

溱洧章李解鄭俗以三月而往溱洧刊本俗訛氏據韓  
詩外傳改

卷十二

揚之水章李解師服曰異哉君之名子也刊本之上衍  
子字據左傳刪

卷十三

鵠羽章李解枯魚銜索刊本銜訛御據韓詩外傳改

卷十四

小戎章李解梁駟駟上勾衡也刊本下駟字訛之 又  
向下勾之刊本勾訛內並據孔疏改

豈曰無衣章李解鶴有乘軒者刊本者下衍三百人三  
字據左傳刪

卷十五

渭陽章李解重耳乃康公之舅也刊本康訛穆據詩傳  
改

東門之枌章李解則子仲必是王父之字故以為氏也  
刊本氏訛命據孔疏改

東門之池章李解使周宣王齊桓公楚莊王而無賢妃  
以為之配刊本下王字訛公據列女傳改

東門之楊章李解奔者不禁刊本奔訛昏據周禮改

卷十六

株林章李解討於少西氏刊本西訛犀據左傳改

卷十七

七月流火章納于凌陰音義力證反刊本證訛登據經  
典釋文改 又李解火星中而寒退刊本脫寒字據

欽定四庫全書考證

卷六

三



左傳增 又晉宮閣名曰華林園刊本名訛銘據隋書改 又蔘葵藜露刊本蔘訛蔕藜訛繁據爾雅改

卷十九

鹿鳴章黃解歡然交忻千載一合刊本合訛會據漢書改

卷二十

魚麗章李解然陸元恪乃謂鱠魚之有力而解飛刊本元恪訛士衡今改

卷二十一

彤弓章李解晉文公獻楚俘於王刊本楚字訛在於字下據左傳改

卷二十二

沔彼流水章李解威烈王崩齊後往刊本後訛復據國策及史記改

祈父章李解天祚明德有所底止刊本有訛靡據左傳改

卷二十四

十月之交章家伯維宰刊本維訛冢考唐石經及唐國

子監注疏本皆作維鄭康成周禮注疏引此亦作維  
宋史趙師民傳引之亦同今據改

卷二十五

谷風章李解陳勝與張耳始居約時相然信死案陳勝  
即陳涉史記漢書載與張耳為刎頸交者陳餘也至  
苟富貴無相忘乃涉輟耕壟上語刊本二事牽合誤

卷二十七

大田章李解或取一秉秆焉刊本一訛以據左傳改

卷二十九

何草不黃章李解故以率彼幽草况行彼周道也刊本  
脫率字據經增

卷三十二

行葦章李解保定中天子以于謹為三老刊本謹訛環  
據周書改

卷三十六

常武章李解鄭祭足帥師取溫之麥刊本足訛伯溫訛  
成並據左傳改

卷三十七



清廟章李解明不蔽也清不污也肅不亂也刊本蔽訛  
惑亂訛慢據張文潛詩說改

我將我享章李解舍樞紐白招拒刊本紐訛扭拒訛炬  
據孝經疏及許慎五經異義改

卷三十八

有瞽章李解周公作象勺刊本作訛象勺象勺武據漢  
書禮樂志改

載見辟王章李解鄭氏則以為思成王之多福非也刊  
本為思訛思使據鄭箋改

卷四十一

闕宮章李解君子曰禮謂先帝而後稷也案左傳作禮  
謂其后稷親而先帝也與此異

卷四十二

天命玄鳥章李解天王使石尚來歸朕刊本朕訛服據  
春秋改

殷武章李解桷謂之榱楹謂之柅刊本謂之並訛之為  
據爾雅改

詩補傳 宋范處義撰

卷四十一

天命玄鳥章李綱天王與可尚來龍翅肝本翅請眼對

閩宮章李綱辰午日斷斷共帝而奔懸出案立對對

卷四十一

詩補傳 宋范處義撰

卷二

彼茁者葭章邁梁駟之所著刊本梁訛良今改

卷七

東門之墀章以男女俱不由禮刊本女訛子今改

卷十八

十月之交章故不日朔月而日朔日也刊本月日二字

互訛今改

卷二十二

欽定四庫全書考證卷六  
三  
摯仲氏任章文王之聖生於太任之賢刊本聖生二字  
互倒今改

卷二十五

闕如虢虎注呼檻刊本檻訛楹據釋文改

詩總聞 宋王質撰

卷三

桑中章欲納夏姬而適他國故盡室行也原本行訛楚  
據左傳改

卷六

楊之水章廢太子荼原本荼訛榮據左傳改

卷十

彤弓章襄王用平禮原本襄訛威據左傳及綱目前編  
改

卷十二

何人斯章晉郤至與周劉子爭溫原本郤至訛魯郤據左傳改

卷十四

賓之初筵章所謂酌數器量皆掌其政令原本其政令訛今飲卽據周禮改

卷十八

韓奕章昭公適楚夢襄公祖襄公適楚夢周公祖原本祖俱訛神 又下楚字訛魯並據左傳改

慈湖詩傳

宋楊簡撰

卷一

卷耳我姑酌彼兕觥傳觥姑黃切原本姑黃訛如黃據韻補改

南有樛木傳木下曲曰樛案木今本鄭箋作本據此可以正其誤

南有喬木傳萋萋萋也原本脫萋字據爾雅增

又帆蒙籠以蓋嶼萍實出而漂泳案今本郭璞江賦作石帆蒙籠以蓋嶼萍實時出而漂泳較此本每句

多一字未知楊氏所據何本

卷二

草蟲傳奇音青色好在茅草中原本茅訛毛據爾雅改  
又蕨江西謂之鼈案鼈爾雅從草今鄭箋本直作鼈  
許謙名物鈔亦兩存之今仍從爾雅

羔羊傳委蛇者徐行委曲之狀相者有曰鵝行鴨步爲  
貴人相鷺鴨行亦委曲蛇行亦委曲按釋似近俚鄙  
何彼禮矣案經文禮字毛詩鄭箋本從衣朱子集傳從  
禾今毛本

卷三

擊鼓其鏜傳白虎通高辛者道德大信也原本德下衍  
之字據白虎通刪

匏有苦葉傳鷺以水反案鷺從唯字得聲故音以水反  
今集傳本誤作以小反音天當是傳刻之訛惟此本  
所釋猶屬本音

谷風傳隴頭水歌將頓樓蘭膝就解郅支裘勿令如李  
牧功多信不售原本膝訛膝據韻補改 又韓愈詩  
齋材入市賣貴者恒難售豈不畏憔悴爲功忌中休

原本畏訛久中訛仲據韓集改

泉水飲餞于坭案坭字從韓詩與毛詩作泥字不同

出自北門傳荀卿成相篇門與根叶原本根訛恨又

賦篇門與神叶原本神訛補又艱權也原本權訛

根並據韻補改

北風其虛其徐案徐字毛詩作邪此本從爾雅

新臺傳籛條口柔也原本口訛背據爾雅改

卷四

柏舟傳天之爲言神也原本脫神也字二字據韻補增

又飛龍秋遊上天高賢愉樂民人原本愉訛偷據唐

山夫人房中歌改

定之方中傳徑邪賊田政惡傷民原本徑邪二字互倒

又駮牝龍身日馭三千原本馭訛取並據易林改

相鼠傳史記引書居南交南爲正讀爲作訛案爲字今

本史記俱作譌此所引爲字與索隱正同蓋猶史記

古本之舊

卷五

芄蘭垂帶萃兮能不我狎案萃毛詩作悻狎毛詩作甲



此刊皆從韓詩

有狐綏綏傳平準書根帶劉伯莊音蒂案帶今本史記作蒂楊氏所引蓋猶古本今仍原文

卷七

子之還兮傳鼃采琬琰和氏出焉原本鼃采訛垂綏據上林賦改 又裏以藻繡絡以綸連原本綸訛編據

西都賦改

彼汾沮洳傳其君子儉以能勤案今本毛詩無子字蓋猶沿宋時他本之誤

卷八

椒聊碩大且篤案碩今注疏本及朱傳皆作實

欽定詩經傳說彙纂亦作碩謹仍原文

有杕之杜傳漢童謠游平賣印自有平不避高賢及大姓原字脫謠字印訛印避訛璧並據韻補改

鴇羽傳毛傳曰行翮也疏云以鳥翮之毛有行列也

原本行訛翮據毛傳改

葛生傳蔽幽州人謂之烏服原本服訛眼據孔疏改

卷九

終南有峒有堂案峒字毛詩鄭箋集傳皆作紀此從崔  
靈恩集注作峒今仍原本

卷十

鳴鴉傳毛傳曰拮據搢搨也原本搨訛拘據毛傳改  
東山不可畏也案不集傳作亦楊氏從毛詩鄭箋本

卷十一

鹿鳴傳怵愉也案愉字从陸德明釋文所據定本考服  
虔左傳注亦以爲愉薄也今集傳作愉蓋傳寫之訛  
四牡傳離郭云今鶉鳩原本鶉訛鶉據爾雅注改

伐木傳上大夫六豆六簋原本六訛八據儀禮改

魚麗傳陸璣疏云鱮一名黃揚今黃頰魚是也案今注  
疏作一名黃頰魚脫揚今黃三字楊氏所據蓋猶宋  
時善本

南山有臺傳周御交戟禁不時原本御訛尉據柏梁詩  
改

彤弓傳載子例切秦瑯琊石刻載與意叶原本意訛旨  
據韻補改

六月傳棲淒也淒淒有冷意時有麥秋之寒也原本脫

時有麥秋四字據樓鑰集增

采芑傳錯衡文衡也原本脫文字據毛詩正義增

車攻傳班固奕旨北方之人謂棊為奕原本旨訛音據

韻補改

吉日傳說文嘯羣口相聚本亦作麋原本嘯訛麋據說

文改

夜如何其傳珊瑚琳碧瑤珉璘彬原本璘訛璞據西京

賦改

卷十二

祈父傳書曰若疇圻父謂司馬恤憂也案今尚書若疇

連上成句圻父連下成句此所引本康成原注蓋古

人句讀如此今仍之

我行其野傳言歸斯復案斯朱傳作思楊氏從毛傳

節南山傳峨峨璞璞罔識所届原本識訛試據何晏景

福殿賦改

十月之交家伯維宰案維朱傳作冢楊氏從毛傳

浩浩昊天淪胥以痛案痛毛詩作鋪楊氏從韓詩

卷十三

宛彼鳴鳩宜狎宜獄案狎毛詩作岸楊氏從韓詩 又  
傳鷓鴣一名鳴鳩月令云鳴鳩拂其羽案一名鳴鳩  
句蓋以別有鳴鳩之名故引月令之文以証之今本  
爾雅作一名鷓鴣誤楊氏所據蓋猶宋時善本 又  
螺贏土蟲也似蠶而小腰原本蟲訛蠶據爾雅疏改  
弁彼鸞斯傳左傳晉侯謂伯瑕曰何謂六物對曰歲時  
日月星辰也服虔以爲歲星之神也案歲星之神也  
上毛詩正義脫一歲字可以此本正之 又溘溘衆  
也原本衆訛深據毛傳改

巷伯傳翩緝荅切原本緝荅訛批實據韻補改  
有饒簋殮傳熟觀是詩譏王政噓廢貴賤無章而不禮  
於諸侯之使使者之屬作是詩也而衛宏作毛詩序  
曰東國困於役而傷於財譚大夫作是詩蓋考之未  
精也案小序困於役而傷於財集傳亦主其說楊氏  
之說雖本之正義而於上下文義有未融貫處  
四月維夏爰其適歸案爰朱子從家語作奚楊氏從毛  
傳 又傳鴻飛戾天避害于淵雖有鋒門不能危身  
案鋒門二字今本焦氏易林亦同而義不可解考漢

書藝文志有逢門射法 又王褒聖主得賢臣頌逢  
門子鸞烏號注引孫卿子曰羿蠡門善射據此則鋒  
門當爲蠡門之訛蓋宋時易林本已誤矣 又楨赤  
棟也原本棟訛棘據爾雅改

卷十四

北山傳左傳昭十三年我有圃生之杞原本脫三字據  
左傳改增 又今本圃字皆作圃案圃杞爲韻自當  
以圃字爲長楊氏所引蓋猶宋時善本

楚茨傳礲磽白石不生黍稷無以供祭靈祇乏祀原本

禮訛敬祀訛祝並據易林改 又陟中壇卽帝位原

本中訛大據魏都賦改 又賓旣酌主人主人又自  
飲酌賓曰醕原本上酌字訛醕據鄭箋改

信彼南山傳劉劭瑞龍賦有蜿之龍來遊郊甸原本劭

訛昭今改 又伊茲都之函去原本函訛幽據吳都  
賦改

甫田傳漢書叙傳宣之四子淮陽聰敏舅氏籛條幾陷

大理原本脫理字據漢書增

大田有舛淒淒興雨祁祁案舛淒毛詩作滄萋楊氏從

韓詩祈朱傳作祁楊氏從毛傳

卷十五

采菽傳周禮司服諸公之服自袞冕而下原本脫諸字  
據周禮補 又紼韡也按韡注疏本作絳楊氏蓋從  
爾雅 又葵心向日如天子心向諸侯按毛詩曰葵  
揆也本爾雅釋詁故正義云揆者以天子于諸侯命  
賜有多少或以恩或以功當須揆度多少而與之此  
云葵心向日於義未協

黍苗傳齊景惑疑爲孺子牛原本脫爲字據易林補

瓠葉傳琴高沉水而不濡原本濡訛滯據魏都賦改

又曹植瑟瑟歌願爲中林草秋隨野火燔灰滅豈不  
痛願與枝葉連案瑟瑟歌曹植詩本作飛蓬篇此所  
引未詳何本又灰滅作本麋滅枝葉本作根芩亦與  
此微異

漸漸之石毛傳曰畢濁也原本濁訛躅據爾雅改

卷十六

文王傳天官小宰凡祭祀贊裸將之事原本祀訛禮據

周禮改

明明在下亮彼武王案亮毛詩作涼楊氏從韓詩 又  
傳身補音尸羊切荀卿成相篇天乙湯論舉當身讓  
卞隨舉牟光道古賢聖基必張案荀子成相篇上二  
句三字爲句下二句七字爲句以湯當爾張爲韻今  
補音以身叶王讀上七字爲句殊爲舛訛又原本脫  
天字據荀子增

綿傳董音謹原本音訛草據陸德明釋文改 又董莖  
粉榆原本粉訛粉據禮記改 又春官董氏掌共燠  
契原本華訛董據周禮改 又孔疏云襄十七年傳

宋人稱臯門之皙遂謂諸侯有臯門而左傳乃曰澤  
門之皙非臯門杜注亦曰澤門非訛誤也然則疏謂  
臯門之皙者其心記之訛歟案左傳臯門作澤門古  
臯澤二字通鶴鳴於九臯毛傳曰臯澤也說文臯字  
音告注云古文以爲澤字孔疏以澤門爲臯門益可  
證楊氏以疏爲誤者非

卷十七

行葦傳孔疏云用肉爲醢特多汁故以醢醢爲名案醢  
醢爲名句今注疏本脫醢字 又通俗文云案文今



注疏本作又誤 又金鏃剪羽謂之鏃原本鏃訛鏃

又江淮之間謂之鏃原本鏃訛鏃并據爾雅改

又故能內睦九族外尊事黃耆原本睦訛及據詩小

序改

抑彼童而角案角今毛詩訛覺

卷十八

天作高山彼徂矣岐案徂朱傳作咀楊氏從毛傳

豐年傳荀勗東西廂登儼召叟亦有兄弟原本召訛台

據晉書樂志改

予其懲傳桑飛即鷦鷯也又名鷦鷯原本鷦訛鷦據爾

雅改

卷十九

駟傳郭璞云淺深斑駁隱粼今之連錢驄案粼爾雅作

粼又作麟此蓋從毛詩正義 又樊光曰原本樊訛

裴 又彤白雜毛駟原本毛訛色並據爾雅改

闕宮傳多補音一讀章移切廣雅祗也原本祗訛多據

廣雅改 又重弓重于鬯中也原本中訛弓據毛傳

改



毛詩講義 宋林岳撰

卷一

我思肥泉注歸異出同流曰肥泉原本脫流字據爾雅

增

卷二

髡彼兩髦注皮弁笄爵弁笄原本脫上笄字據士冠禮

增

又有笄者屈組為紘無笄者纓而結其條原本

纓訛纒注疏本亦誤今據士冠禮注改

子子于旌注羽者夏翟之羽也有虞氏以為綏原本綏

訛綏據周禮改

卷三

鷄既明矣注齊古少昊之世爽鳩氏之墟案此皆本箋  
疏考國風皆有譜林氏援引齊譜獨詳他皆略今姑  
仍其舊

俟我于著乎而注主人升西面賓升北面奠雁原本西  
面訛西階今改

盧令令注東郭邊海內狡兔原本郭訛郊據國策改  
敝笱在梁注里革曰里禁鯤鰠原本里訛星又脫魚禁

字據魯語增改

又幽州曰鴉鷂曰胡鱖原本鷂訛

鷂據陸機疏改

猗嗟昌兮注諸侯四耦二侯樂以狸首孤卿大夫三耦

一侯樂以采蘋士三耦豻侯樂以采蘋原本皆脫樂

以二字今依孔疏補

糾糾葛屨注夏葛屨猶用絺綌當暑也原本脫夏葛屨

三字據少儀補

彼汾沮洳注公車主君之軹車庶子爲之原本軹訛路

據鄭箋改

陟彼岵兮注多草木曰岵無曰岵案毛傳本作無曰岵  
有曰岵此從爾雅

坎坎伐檀兮注大波爲瀾小波爲淪直波爲徑瀾渙瀾  
淪蘊淪徑徑涎也原本涎訛涎據爾雅釋水改

有杕之杜注赤棠子澀而酢無味原本脫子澀無味四  
字據爾雅補

采芩采芩注王肅諸本皆以爲僞案孔疏以爲王肅諸  
本皆作爲言唯定本作僞言與此互異傳寫訛也

小戎倭收注革路樊纓以條絲飾之原本脫樊纓二字

據孔疏增

卷四

東門之池注紵亦麻科生宿根在地中至春自生原本  
自訛曰 又歲再刈刈便生原本脫一刈字並據疏  
增改

彼侯人兮注蹕之制下廣二尺上一尺長三尺原本脫  
上一尺長三尺六字今據孔疏增

卷五

湛湛露斯注湛露在彼豐草言澤草也在彼杞棘又言

澤木也原本草木二字互訛今據文義改

六月棲棲注王日出征者以正王國之封畿原本正訛

臣今改 又微幟有文原本微訛微據孔疏改

我車既攻注鄭有圃田原本圃訛甫據左傳改

吉日維戊注漆水沮水驅禽而致天子之所原本脫沮

水二字據疏增

沔彼流水注馱彼飛隼則有時乎率彼中林是其常也

原本脫是其常也句據疏增

祈父注宣王之時王師嘗與姜戎戰于干畝原本姜訛

羌據春秋改

家伯維宰案維今朱傳作冢此從毛傳

### 卷六

彼何人斯注有覲面目原本覲訛姑案姑爾雅訓覲非

卽覲字今改

有饜簋飧注匕所以載鼎實赤心之木爲之案毛傳言

棘赤心解用棘之意未必取赤心爲喻用赤心之木

也林說未確

爰其適歸案箋爰日也今朱傳本家語作奚其適歸

鼓鐘將將注東為陽中萬物以生是東方為笙磬原木  
脫萬物以生句今據周禮增

楚楚者茨注宰夫羞房中之羞于尸侑主人主婦皆右  
之原本脫主人主婦皆右之句 又司士羞庶羞于

尸侑主人主婦皆左之原本皆左之訛作左右之並  
據疏增改

信彼南山注鬱合鬯臭陰達于淵泉原本脫合鬯臭陰  
四字據禮記增

興雨祁祁案漢書及朱傳俱作祈祈毛傳作祁祁誤也

今依朱傳

采菽采菽注有虞氏服韍注舜始作之以尊祭服原本  
脫始作二字據明堂位注增

卷七

綿綿瓜瓞注司徒掌徒役之事召之使立家室之位處  
原本立訛正據鄭箋改

瞻彼旱麓注毛謂黃金所以流鬯表裏之義也案毛傳  
本多一飾字陸明德云是後人所加正義云定本及

集注皆有俗本無此本所引亦無飾字今仍原文

皇矣上帝注周書稱文王在程爲程寤程典案程典程  
寤見汲冢書程典篇存程寤已缺非尙書篇目也  
敦彼行葦注天子敦弓鏃矢案鏃注疏本作鏃誤

卷八

韓侯顧之注毛云曲顧道義也原本曲訛猶據毛傳改

卷九


猗與漆沮注積柴養魚曰糝原本糝訛櫛據正義改

卷十

駟駟牡馬注邑外曰郊郊外曰牧牧外曰野野外曰林

卷十二

常棣序注外禦其侮案侮毛詩本作務左傳作侮此引  
左傳文故仍作侮



欽定四庫全書

卷六

皇



Faint vertical text bleed-through from the reverse side of the page, including characters like '欽定四庫全書' and '卷六'.



